

"Қазақстан Республикасы Президентінің Архиві" республикалық мемлекеттік мекемесін көшіру туралы

Қазақстан Республикасы Президентінің 2024 жылғы 26 қыркүйектегі № 660 Жарлығы.

Қазақстан Республикасының
Президенті мен Үкіметі
актілерінің жинағында
жариялануға тиіс

ЗҚАИ-ның ескертпесі!

Осы Жарлықтың қолданысқа енгізілу тәртібін 4-т. қараңыз.

ҚАУЛЫ ЕТЕМІН:

1. Қазақстан Республикасының Үкіметі 2025 жылғы 1 наурызға дейін "Қазақстан Республикасы Президентінің Архиві" республикалық мемлекеттік мекемесін Алматы қаласынан Астана қаласына көшіруді қамтамасыз етсін.

2. "Қазақстан Республикасы Президенті Архивінің кейбір мәселелері туралы" Қазақстан Республикасы Президентінің 2022 жылғы 9 ақпандағы № 808 Жарлығына мынадай өзгерістер енгізілсін:

1) 3-тармақ мынадай редакцияда жазылсын:

"3. Архивтің штат саны 168 бірлік мөлшерінде белгіленсін.";

2) жоғарыда аталған Жарлықпен бекітілген "Қазақстан Республикасы Президентінің Архиві" республикалық мемлекеттік мекемесінің ережесінде:

7-тармақ мынадай редакцияда жазылсын:

"7. Мекеменің орналасқан жері: Қазақстан Республикасы, 010000, Астана қаласы, Есіл ауданы, Мәңгілік Ел даңғылы, 15-үй.";

26-тармақтың 10) тармақшасы мынадай редакцияда жазылсын:

"10) Қазақстан Республикасы Президенті Әкімшілігінің Басшысымен және Қазақстан Республикасы Президенті Кеңсесінің бастығымен келісу бойынша – өзінің орынбасарларын және мекеме филиалдарының басшыларын, Қазақстан Республикасы Президенті Кеңсесінің бастығымен келісу бойынша мекеменің құрылымдық бөлімшелерінің басшыларын лауазымға тағайындайды және лауазымнан босатады;"

3. Қазақстан Республикасының Үкіметі Қазақстан Республикасының заңнамасында белгіленген тәртіппен осы Жарлықтан туындайтын шараларды қабылдасын.

4. Осы Жарлық, 2025 жылғы 1 қаңтардан бастап қолданысқа енгізілетін осы Жарлықтың 2-тармағының 1) тармақшасын және 2025 жылғы 1 наурыздан бастап қолданысқа енгізілетін осы Жарлықтың 2-тармағының 2) тармақшасын қоспағанда, қол қойылған күнінен бастап қолданысқа енгізіледі.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК